



§. I.

Transitūs Pœnæ.

I. **H**Æc nociva temeritas, quæ sese turbulentis ob
hæreses, aut aliàs, *temporibus* * tantùm ferè
monstravit, usque adeò per sacros canones
repressa fuit, ut inde à Sæc. XIII. exempla desint ejusdem.

* De *Arianis* transmigrantibus jam egi in parte priore §. I. num. 5. De *Anthymo*
Eutychiano transeunte infra. Exempla omnium ultima in nostrâ Ger-
maniâ adscribo bello intestino inter Reges contrariæ electionis, *Philippum*
Suevum, & *Ottонem IV.*

II. Sanctionem pœnalem in Episcopos transfilientes ante
Nicænum I., non invenio, imò nec in isto Concilio: * adest
autem de *Presbyteris*, aliisque clericis pœna depositionis, &
redactionis ad laicam communionem, sive ad statum infimum in
Ecclesiâ. **

A



* Nicænum quippe *can. 15.* præsumptos transitus solummodo annihilat, & reducit transeuntes in derelictam sedem: *Hoc factum prorsus in irrum ducatur: restituatur Ecclesia, cui fuit Episcopus, aut Presbyter, vel Diaconus ordinatus.* Vide Gratian. *can. 19. VII. q. 1.* Alter autem canon, nempe *16tus*, de *Episcopis* non loquitur.

** Canon *13.* sub nomine Apostolorum, loquens de *Episcopo*, filet pœnam; sed subsequens *14.* *Presbyterum, Diaconum*, aut *quemcumque de Clero*, sine voluntate sui *Episcopi* transmigrantem, maximè, si reverti nolit, à ministerio publico ecclesiæ removet, solâ *laicâ* communione salvâ; canon *15.* excommunicat *Episcopum*, qui desertores illos *ut clericos* suscepit. Concilium Arelatense I. an. *314.* can. *22.* sequitur canonem Apostolicum *14.* *De Presbyteris, aut Diaconibus*, qui solent dimittere loca sua, in quibus ordinatis sunt, & ad alia loca se transtulerunt, placuit, ut his locis ministrent, quibus præfixi sunt; qui relîtis locis suis ad alium locum se transferre voluerint, deponantur. Similiter Antiochenæ Synodus an. *341.* can. *3.* pressè quoad hoc secuta est prædictum canonem Apostolorum *14.*, & referunt à Gratiano in *can. 24. VII. q. 1.* Ast Concilium Nicanum I. can. *16.*, apud Gratianum *can. 23. caus.*, & quæst. ead. excommunicat detrectantes reverti clericos, *Episcopo* inferiores.


III. Romani Pontifices, ut *Episcopos*, aliis cathedris insilientes, ad harum evacuationem, desertarūmque receptionem, juxta Nicænum canonem, cogerent, utebantur *excommunicatione negativâ*, i. e., talibus non communicabant.*

* Epist. Damasi I. ad Paulin. Antiochen. circa an. *378.* apud Gratian. in cap. *43.* VII. q. *1.* *Eos quoque, qui de ecclesiis ad ecclesiæ migraverunt, tamdiu à communione nostrâ habemus alienos, quâm diu ad eas redierint civitates, in quibus primum sunt constituti: quidsi alius, alio transmigrante, in loco viventis est ordinatus, tamdiu vacet Sacerdotii dignitate, qui suam deseruit civitatem, quâm diu successor ejus quiescat in Domino.* Constant. Epp. RR. P.P. pag. *513.* & *519.* Ita anno *535.* Agapetus I., tunc Constantinopoli præsens, petentibus Justiniano, & Theodorâ A. A., ut Anthymo, qui à Trapezunte ad illam urbem transierat, communicaret, respondit, fieri posse, si *Anthymus* se libello probaret orthodoxum, & ad cathedram suam reverteretur; impossibile esse, translatitium hominem in illâ sede permanere. Liberatus cap. *21.* sui Breviarii, quod quærc in Tom. *5.* Concilior. pag. *740.* De hoc casu, & Anthymo ajebat postea Justinianus Imp. in Nov. *42.* *Desertus est de sede hujus regia urbis à sanctâ, & gloriose memoria Agapeto, sanctissima Ecclesia antiquâ Roma Pontifice, eo quid nullo modo sibi ipsi convenienti contra omnes sacros canones se intrusarat Sedi:* equidem *Anthymus* &

ab Agapeto; & à Synode Constantinopol. planè depositus fuit; sed hoc propter *haren* *Eut. bianum*, non propter *transitum*. Hanc negativam excommunicationem quoque *Hilarus* Papa in casu *can. 30. VII. q. 1. an. 465.* comminatus est *Irenaeo*, Episcopo, qui ad *Bareinonensem* ecclesiam migraverat: *Quod si Irenaeus episcopus ad e. ecleiam suam, deposito improbitatis ambitu, redire neglexerit, quod ei non iudicio, sed humanitate prestatibus, removendum se ab episcopali confortio esse cognoscet.* Harduin. Tom. 2. Concil. pag. 790.

IV. Sardicense Concilium an. 347. asperavit pœnam contra Episcopos transeuntes, ut malum funditus eradicaret; nempè, talibus *nec laica* communio relinquebatur; &, si prætexerent literas invitatorias, vel clamorem populi, *ne quidem in mortis articulo* reconciliabantur ad communionem.*

* Can. 1 ex versione Dionysii exigui: *Osius Episcopus dixit: non minus mala consuetudo, quam perniciosa corruptela, funditus eradicanda est; ne cui licet Episcopo de civitate suâ ad aliam transire civitatem; manifesta est enim causa, quâ hoc facere tentant; cum nullus in hac re inventus sit Episcopus, qui de maiore civitate ad minorem transiret. Unde apparet, avaritia ardore eos inflammari, & ambitioni servire, & ut dominationem agant. Si omnibus placet, hujusmodi pernicies saevius & austrius vindicetur, ut nec laicam communionem habeat, qui talis est: responderunt universi: placet. Hanc pœnam vocat L. Bar. de Pilatus in Originib. Juris Pontific. terribilem, ut quæ primis Sæculis in aliquibus tantum ecclesiis vix contra idololatras, voluntarios homicidas, & adulteros relapsos, fulminata fuerit. Concilium Aquisgranense an. 789. cap. 24. sic epitomavit istum canonem: Hosius Episcopus dixit: ut de civitate in civitatem quisquam si migraverit, aut Episcopus, aut Clericus, excommunicatus remaneat. In Decretalibus vero Gregorii IX., detractâ pœna, sic abbreviatus est cap. 1. de cler. non resid. ex Concil. Sardic. Non licet Episcopo de civitate suâ transire ad aliam: manifesta est enim causa, pro quo facere hoc attentat; cum nullus sit inventus episcopus; qui ad minorem de majori civitate transiret. Alter canon Sardicensis in ordine 2dus sic sonat: Osius Episcopus dixit: etiam si talis aliquis extiterit temerarius, ut fortassis excusationem afferens asseveret, quod populi literas acceperit, cum manifestum sit, potuisse plures præmio, & mercede corrumpi eos, qui sinecram fidem non habent, ut clamarent in ecclesia, & ipsum petere videbentur episcopum: omnino has fraudes damnandas esse, arbitror; ita, ut nec laicam IN FINE communionem TALIS accipiat. Si vobis omnibus placet, statuite. Synodus respondit: placet. Hunc canonom retulit S. Raymundus ad tit. de elect. cap. 2., quasi vero Sardicense Concilium hanc severitatem statuisset de quovis ad populi clamorem electo;*



cum pergit in eos solos distingere, qui transmigrationes suas his coloribus volebant excusare: videns autem nimium osii Cordubensis rigorem, adjectit parenthesin: nisi de hoc paenituerit, quæ limitatio in MStâ Compilacione 1., videlicet Bernardi Papiensis, omissa est.

V. Austerioris hujus, atque ex Hispano ingenio, in *Arianos* transmigrantes justam vindictam spirante, profecti supplicii imitationem exiguum invenio. *

* Concilium Chalcedonense an. 451. non adoptavit in specie hanc Sardicensem pœnam: textum dedi in part. prior. §. I. num. 5., & habet eum Gratianus can. 26. VII. q. 1. Concilium Hipponeñse an. 393. Cresconium Episcopum, qui, plebe Rhenensis villa derelicta, Tubunensem invaserat ecclesiam, ius sit solummodo abire, & plebe Villarensi esse contentum; cumque ille non paruisse, Carthaginense III. an. 397. canone inter Africanos 48. nihil durius decrevit, quam expulsionem illius ex ultimâ, implorato etiam brachio sæculari Praefidis provincia; textum dat Gratianus can. 19. XI. q. 1. Non obediit Cresconius, propter quod demùm an. 401. in Synodo Carthagin. V. per can. 77. conclusum est, requirendum esse Numidiæ Præfadem, ut scriptis suis compellat eundem ad comparendum in proximo universalis Africano Concilio, sub comminatione sententia in se promulgandæ, si emanferit. Concilium Arelatense IV. can. 13. alternativè dispôsuit: nullus cujusque ordinis clericus, non Diaconus, non Presbyter, non Episcopus, quâcunque occasione faciente, propriam relinquat ecclesiam, sed omni modo excommunicetur, aut redire cogatur; quasi relinquat arbitrium pœnae pro circumstantiis casu. In Concilio Romano, quod propter Formosum Papam sub Joanne IX. habebatur, can. 3. mentio quidem fiebat, sed nulla innovatio, Sardicensis canonis: *Quia necessitatis causâ de Portuensi ecclesiâ FORMOSUS, pro vita merito, ad Apostolicam Sedem proventus est; statuimus, & omnino decernimus, UT ID IN EXEMPLUM NULLUS ASSUMAT; presertim, cum sacri canones hoc PENITUS INTERDICANT, & presumentes tantâ feriant ultione, ut etiam in fine laicam eis prohibeant communionem; quippe, quod necessitate aliquoties inductum est, necessitate cessante in auctoritatem sumi non est permisum.* Harduin. Tom. VI. Concil. pag. 487.

VI. Quin imò S. LEO I. Papa promovit in Oriente aliam pœnam, quæ, licet implicitè contineatur in Sardicensi canone, hâc tamen lenior, Nicænâ major, foret, nempè, carentiam utriusque Sedis. *

* Refert decretalem Leonis I. Gratianus Can. 31. VII. q. 1. Collectio Isidori mes
epist. 54. §. 5. fol. 212. Dionysius exiguis inter decreta Papæ Leonis num.
38. Ut, si quis Episcopus, suam deferens civitatem, majorem ambitus causâ
petierit, non solum eam obtinere non poterit, sed & suâ carere debebit. Dedit
Harduin Tom. I. Concil. pag. 1768. cap. 8. Si quis episcopus, mediocritate
civitatis sua despectâ, administrationem loci celebritatis ambierit, & ad majo-
rem se plebem quâcunque occasione transtulerit, non solum à cathedrâ quidem
pellatur alienâ, sed carebit & propriâ; ut nec illis praesideat, quos per avari-
tiam concupivit, nec illis, quos per superbiam sprevit. Hoc decretum inter
alia multa emanavit ad Anastasium, Episcopum Thessalonicensem, quâ
Vicarium Sedis Romanae in illis partibus. Præluterunt Canones pro Galliæ
Episcopis dati, sive à Siricio Papâ, quod credit Constant, sive ab Innocentio
I., ut putant Sirmondus, atque Labbeus, cap. 16. Item de his, qui de
ecclesiâ ad ecclesiam transeunt, jussi sunt haberi, quasi reliktâ uxore ad alie-
nam accesserint, quod impunitum esse non posse: talem Episcopum, invasio-
rem pudoris alieni, episcopatu privari jusserunt.

VII. Hanc decretalem cùm retulissent Collectores ca-
nonum, *Dionysius*, *Burckardus*, *Ivo*, *Gratianus*, in suos Co-
dices Decretorum, evasit ex hinc pœna ordinaria transitûs. *

* Usque adeò, ut iidem Collectores apposuerint istam explicationem canonii 30.
Concilii Meldensis de an. 845., relato in can. 32. VII. q. 1., licet in fonte
tantum de canonica definitione conservandâ generice loquatur, affundo:
hoc est, ut utrâque careat: isto appositio legitur quoque in duobus MStis
Decretis Gratiani, quæ servantur in Bibliothecâ S. Simeonis Trevir. Ean-
dem pœnam an. 1096. constituit Nemausense in Galliâ Concilium, præ-
*sidente Urbano II. Papâ, in omnes parochiarum presbyteros, qui **ambitio-***

nis, vel cupiditati causâ ad aliam diuinem migraverint ecclesiam.

VIII. Eandem pœnam firmavit novâ Decretali *Innoc. III.*
an. 1198. in cap. 3. h. t. *sibi * præcipimus, ut administratio-*
nem Heripolensis Ecclesiæ penitus derelinquit. . . . Quia verò
Hildesemensem Ecclesiam, cui fuerat alligatus, unde secundum
*Apostolum solutionem querere non debebat, nimis improbè dere-
liquit, ne ad ipsam redeat ulterius, districtius prohibemus; cùm*
secundum traditiones canonicas, qui ad majorem se plebem trans-

tulerit, à cathedrâ repellî debeat alieni, & carere propriâ; ut nec illis præsideat, quos per superbiam sprevit, nec illis, quos per avaritiam concupivit: Leonem M. hic per Innocentium resuscitari, quis non videat?

* Erat hic *Conradus I.* Baro de Ravensburg, castro Franconie supra Herbipolum, vir à puerò educatus ad excelsa, quoniam filius Diethonis ex Adelheide, quam Imp. Fridericus I. duxerat priùs uxorem, dimittere autem propter consanguinitatem debuit: in aulâ vivens, totus quantus evasit aulicus, & magnus politicus, trium Impp. successivè Cancellarius, *Friderici, Henrici VI., & Philippri Suevi*: cum duobus primis expeditiones Palæstinas suscepit; ibidemque fundationi incliti Ordinis Teutonici egregiè cooperatus est: primùm erat *Lubecensis* electus, & confirmatus; transfavit *Hildesheim*; subinde accepit indultum à *Cælestino III.* affumendi maiorem ecclesiam: placuit ipsi *Herbipolensis* propter annexum Ducatum Franconie: *Philippus Suevus*, cui adhæsit contra *Ottонem IV.*, procuravit ei favorem Capituli an. 1198: Postulatus neque se convertit ad Papam, neque ad Metropolitanum suum; quia ab utroque, pro partibus *Ottонis IV.* stante, nihil sperare poterat: Papa ipsum per literas, & Germanie Episcopos monuit, ne rediret ad Hildesheim, ut relinqueret nihilominus Herbipolensem: contempsit ille: Papa eum Romæ solemniter excommunicavit, atque pro tali per *Magdeburgensem* denunciari jussit: tentavit primùm more sæculi per mediatores rem componere, sed *Innocentius III.* absolue voluit personalem submissionem: profectus est ergò Romanum *Conradus*, in facco, & corrigiâ se prostravit, suum excessum recognovit, judicium non petiit, sed misericordiam, & gratiam, quam & consecutus est: vid. cap. 5. de Cler. excom. Fatum hujus Herbipolensis Episcopi describit P. GROPP, Prior Benedictinus ad S. Stephanum Herbipoli, in Collect. noviss. Script. Würzburg. Tom. I. pag. 812.

IX. Neque ad distinctionem hujus poenae pervenisset *Innocentius*, nisi eum ex unâ parte honor sanctæ Sedis, & tunc in Germaniâ jam aliquamdiu contemni volita authoritas, ex alterâ verò parte nimia *Conradi* transeuntis capitositas, coëgissent. *


* Epistola *Innocentii* palam dicunt, quod ipsi olim fuerint boni amici, etiam à facie invicem noti: protestantur sinceram *Conradi* dilectionem: dolent

de notâ inobedientiæ, quam vir, mundanis principiis excæcatus, incurrit, cap. 5. de major. & obed. Imò verò illa epistola, quam directè misit Papa ad Conradum, manifestè prodidit gratiam in pectore gestam: *Omni ergo excusatione cessante, si apud nos desideras gratiam invenire, mandatum studeas Apostolicum adimplere, non rediens ad Hildesiensem Ecclesiam, & ab Heribipoli recedens, ut tunc tandem, quem circa te in hoc etiam geramus affectum, evidenter agnoscas.* Gonzalez ad cap. 3. b. t. num. 3. Opus ipsum demonstravit discretionem *Innocentii*, quia distulit tam diu providere Heribpoli de novo Episcopo, donec *Conradus* humiliaretur, ut ab eo posset exaltari. Quād verò de assassinio *Conradi* doluerit anno 1201. idem Papa, hodieque testantur ejus literæ.

X. Circa idem ferè tempus *Innocentius III.* alium Germaniæ Episcopum, nempè *Wormatiensem*, * propter transitum ad *Moguntinam* Ecclesiam, cùm is diu sibi rebellis fuisse, ita cicuravit, ut longa recordatio tales casus amplius non retulerit.

* Erat hic *Lupoldus* à Schönfeld, de partibus *Philippi Suevi*, vir acerrimus, ac belllicosus: an. 1200. postulabatur ad *Moguntinam* Sedem, tribus tantum Canonicis *Sigfridum I.* ab Eppenstein eligentibus: hunc profligavit armis, ut pergeret Romam: occupavit Archiepiscopatum juxta suum Episcopatum, licet postulationem casalset Papa per cap. 23. de elect. Incubum alienæ ecclesiæ excommunicavit Pontifex; at ille vicissim istum, ardentibus pariter candelas pro solemnitate adhibens; sed & arma cum excommunicato *Philippo* Rege ubique circumferens, plurimumque nocens, perrexit tandem in Italiam cum exercitu contra ipsummet Papam: Paricidium *Philippi* Regis, ab *Ottone* Comite *Wittelsbacensi* Bambergæ an. 1208. peractum, fatale ipsi fuit, imò salutare pro animâ; tunc enim à Papâ, & Imp. *Ottone IV.* præalentibus, utrâque ecclesiâ, quin & Imperio exul factus est, *Wormatiensem* interim regente *Sigfrido* Moguntino; neque enim aliud Vangionibus Episcopum constituit *Innocentius* loco hujus circumerrantis, & palantis. Tandem fortuna rediit ex gravi dissidio ejusdem Papæ cum Imp. *Ottone IV.* pariter excommunicato; contra quem electus *Fridericus II.* ab exilio recepit an. 1212. *Lupoldum*, & *Innocentio* reconciliatum restituit in suum Episcopatum, cui usque ad an. 1217. laudabiliter præfuit. *Gallia Christiana* Tom. 5. pag. 675. *Schannat* Hist. Episcop. Wormat. pag. 363.

XI. Aliam, prorsus extraordinariam, atque ex singulari-



arbitrio, pro rerum circumstantiis, profectam transeuntis Episcopi pœnam lego inter epistolas Hilari Papæ, anno 462. Hermeti infictam esse propterea, quod à Bitterrensi Episcopatu transivisset ad Narbonensem archiepiscopatum; nempe ut in eo quidem permaneret, sed absque potestate ordinandi Episcopos.***


* Edidit super hoc negotio primus *Baronius* Tom. VI. pag. 263. & seqq. duas *Hilari* epistolas ex veteri Codice MS. *Arelatenſis* Ecclesie, primam ad *Leontium* Arelatensem, alteram ad Episcopos Viennensis, Lugdunensis, Narbonensis primæ, & secundæ, & Alpium Apenninarum. In epist. ad *Leontium* sic scribit Papa: *cognovimus, . . . quod iniquissimam usurpationem quidam Hermes Episcopatum civitatis Narbonensis execrabiliter auctoritate presumperit: in altera vocat Hermetis factum presumptionis improbitatem, objurgatione dignissimum, quod SS. Patrum decretis, & ijs repugnet canonicum institutis.*

** Indulgentiūs Hermetem habuit *Hilarus*, ingenio mitis, tum propter bonam ejus conversationem, tum pacis amore: *Sciimus enim, & jam diu de memorati fratris conversatione nihil habemus ambiguum, cum anteacta vita ipsius cursum, & retrò antè positum nostro revolventes animo hos illum, quos in eo arguimus, INCURRISSE potius, quam FECISSE, excessus, de quibus praesente fratrum numeroſo Concilio, ex diversis provinciis ad diem natalis nostri in honorem beati Petri Apostoli per Dei gratiam congregato, presenribus fratribus, & Coepiscopis nostris Fausto, & Axanio, atque agentibus plurimis, qua vigorem respiciunt, auctoritatēque judicii, id à nobis pacis amore est constitutum, ut in sententiā, quam sub animadversione utriusque legationis inde directa, Christo Domino nostro inspirante, protulimus, neque charizas evangelica indulgentia, neque Apostolica virga defuerit discipline; namque in totum nec remittere nos fecit indulgentia, nec affectio coercere. Ei, qui NUNC Ecclesia Narbonensi PRÆSIDERE PERMITTITUR, ORDINANDORUM Episcoporum ob hac, que pravè facta sunt, SUSTULIMUS POTESTATEM. Admonet deinde Papa, ne quis imposterum imitetur exemplum Hermetis: *Vestra Fraternitatis in Domino sincera dilectio . . . eorum taliter, que in Narbonensi provincia emersere, meminevit, UT TESTETUR FACTUM POTIUS, QUAM SUMAT EXEMPLUM, quod ita deinceps esse nolumus, SICUT NOVIMUS, NON FUISE.**

XII. Unicus sine vindictâ canonica transitus est, cùm
Archī-

Arch - vel Episcopus eligitur *in summum Pontificem*; jam pridem quippe extra attentionem constitutum est decretum Concilii Romani de an. 904., de quo supra num. 5., *ut factum formosi in exemplum nullus assumat*: * Creati non amplius transferuntur in Cathedram Petri, sicut olim, sed pro lubitu suo *transeunt*, vel etiam retinent unà cum Papatu præhabitam Sedem. **

* Primus post illud decretum ex archiepiscopo Ravennatum, quam in Sedem de Bononiensi fuerat per Landonem Papam translatus, evasit an. 912. Pontifex Romanus Joannes X., operâ Theodora, scorti nobilissimi, violenter intrusus, ut scribit ex Luitprando Cœf. Baronius Tom. 10. pag. 663. num. 13., postquam sex ante illum vicibus nondum Episcopi ad Sedem Apostolicam electi fuerant; an. 965. Joannes XIII. ex Narvieni; an. 974. Benedictus VII. ex Sutriño; an. 984. Joannes XIV. ex Papiensi; an. 999. Sylvester II. ex Ravennatensi; an. 1009. Sergius IV. ex Albanensi; an. 1013. Benedictus VIII. ex Portuensi; an. 1046. Clemens II. ex Bamberensi; an. 1047. Damasus II. ex Brixinensi; an. 1055. Victor II. ex Eistetensi; an. 1058. Nicolaus II. ex Florentino; an. 1061. Alexander II. ex Lucensi; an. 1087. Urbanus II. ex Ostiensi; an. 1125. Honorius II. ex eodem; an. 1153. Anastasius IV. ex Sabinensi; an. 1154. Hadrianus IV. ex Albano; an. 1181. Lucius III. ex Ostiensi; an. 1185. Urbanus III. ex Mediolanensi; an. 1227. Gregorius IX. ex Ostiensi; an. 1241. Cœlestinus IV. ex Sabino; an. 1254. Alexander IV. ex Ostiensi, & Veltrensi; an. 1261. Urbanus IV. ex Hierosolymitano; an. 1264. Clemens IV. ex Sabinensi; an. 1276. Innocentius V. ex Ostiensi; an. eod. Joannes XX. ex Tusculano; an. 1287. Nicolaus IV. ex Prænestino; an. 1303. Benedictus X. ex Ostiensi; an. 1305. Clemens V. ex Burdigalensi; an. 1313. Joannes XXII. ex Portuensi; an. 1334. Benedictus XIII. ex Mirepicensi; an. 1342. Clemens VI. ex Rotomagensi; an. 1352. Innocentius VI. ex Ostiensi; an. 1378. Urbanus VI. ex Baresi; an. 1404. Innocentius VII. ex Ravennatensi; an. 1506. Gregorius XII. ex Constantinopolitano; an. 1409. Alexander V. ex Mediolanensi; an. 1448. Nicolaus V. ex Bononiensi; an. 1455. Calixtus III. ex Vælentino; an. 1458. Pius II. ex Senensi; an. 1464. Paulus II. ex Cerniensi; an. 1484. Innocentius VIII. ex Melphiteni; an. 1492. Alexander VI. ex Portuensi; an. 1503. Pius III. ex Senensi; an. 1521. Hadrianus VI. ex Dertusensi; an. 1523. Clemens VII. ex Narbonensis; an. 1534. Paulus III. ex Ostiensi, & Veltreno; an. 1550. Julius III. ex Prænestino; an. 1555. Marcellus II. ex Regiensi; an. eod. Paulus IV. ex Ostiensi, & Veltreno; an. 1566. S. Pius V. ex montis regalis; an. 1585. Sixtus V. ex S. Agathæ;



an. 1590. *Urbanus VII.* ex *Rofianensi*; an. 1591. *Innocentius IX.* ex *Alexandrinus*; eod. an. *Clemens VIII.* ex *Inimolensi*; an. 1605. *Leo XI.* ex *Praestino*; an. 1621. *Gregorius XV.* ex *Bononiensi*; an. 1644. *Innocentius X.* ex *Antiocheno*; an. 1655. *Alexander VII.* ex *Neritonensi*; an. 1670. *Clemens X.* ex *Camerino*; an. 1676. *Innocentius XI.* ex *Novarino*; an. 1689. *Alexander VIII.* ex *Brixiensi*; an. 1691. *Innocentius XII.* ex *Neapolitano*; an. 1724. *Benedictus XIII.* ex *Beneventano*; an. 1730. *Clemens XII.* ex *Frascatino*; an. 1740. *Benedictus XIV.* ex *Bononiensi*; an. 1758. *CLEMENS XIII.* ex *Paduanus*, Episcopis, Archiepiscopis, & Patriarchis, evalerunt summi Episcoporum: En 67. Papas ex Episcopatibus assumptos post predictum Concilium Romanum; dum econtra tantum 66. ante exaltationem non erant episcopi; & sic unâ vice plures posthabebatur, quâm observabatur, can. 3. ejusdem Concilii.

** Jam *Clemens V.* retinuit cum Papatu *Eurdigalensem* cathedralam: de *Benedicto XIII.* memorat L. B. de *Pilatus*, quôd post multas lachrymas novæ suæ electioni non aliâs consenserit, nisi retentâ priore sponsâ, *Beneventanâ Ecclesiâ*: *Benedictus XIV.* pluribus annis perrexit tenere Archiepiscopatum *Bononiensem*: ergo summi Pontifices transeunt, si velint, retinent priorem Sedem, cùm malunt, unâ cum Romanâ.

§. II.

Translationis antiquissima difficultas.

I. Contra *canonicas translationes* non quærentium eas Episcoporum antiqui sâpè plus difficultatis fecerunt, quâm *spiritus*, *ꝝ litera SS. canonum* exposcebat; * sâpè quidem, ut *transmigrationibus* eò fortius opponerent repagulum:

* Recte dixit *Anonymus antiquus* in tractatu de translat. cum *Jure Orientali* edito: *Migratio prohibita est, non translatio*; & can. 25. VII. q. 1. *Non ergo bene intelligunt ecclesiasticas regulas, qui hoc negant, causâ necessitatis, vel utilitatis fieri posse, quoties communis utilitas, aut necessitas persuaserit*; equidem *Harduin* hanc *Pelagii II.* epistolam spuriis *Isidori* mercibus attribuit, nihilominus compositor recte sensit. Optimam, quidquid in contrarium dixerit *Florens*, distinctionem fecit *Nicephorus lib. 14. cap. 39.* inter *μετάθεσιν*, translationem, *μετάστασιν*, transmutationem, atque *μετάβασιν*, transitionem; quia Nicenius canon utitur verbo: *μεταβάσιν*, transire, & Sardicensis verbo: *μετάστασιν*, se translocare, locum mu-